

সারাদেশ

পতিত অপশক্তি দেশের বাইরে থেকে ষড়যন্ত্র করছে, ঐক্যবদ্ধ থাকুন: প্রধানমন্ত্রী

প্রতিবেদক: ঢাকা প্রোব ডেস্ক

প্রকাশের তারিখ: সোমবার, ১০ আগস্ট ২০২৬, ১১:৩২ AM



সংগৃহীত ছবি

পতিত অপশক্তি দেশের বাইরে থেকে ষড়যন্ত্র করছে। দেশের ভেতরেও জনগণকে বিভ্রান্ত করার অপচেষ্টা চলছে। এমন ষড়যন্ত্র মোকাবিলা করতে হলে দলকে ঐক্যবদ্ধ রাখতে হবে বলে মন্তব্য করেছেন প্রধানমন্ত্রী তারেক রহমান।

রোববার (৯ আগস্ট) রাতে চট্টগ্রামের একটি ৫ তারকা হোটেলে চট্টগ্রাম মহানগর, উত্তর ও দক্ষিণ জেলা বিএনপি নেতাদের সঙ্গে বৈঠকে এসব নির্দেশনা দেন তিনি।

এ সময় তিনি সংগঠন ও মেয়াদ উত্তীর্ণ কমিটিকে নতুন করে ঢেলে সাজানোর তাগিদও দিয়েছেন।

বৈঠকে অংশ নেওয়া বিভিন্ন স্তরের নেতারা জানান, সন্ধ্যা সাড়ে সাতটা থেকে রাত সাড়ে নয়টা পর্যন্ত গুরুত্বপূর্ণ এই বৈঠকটি অনুষ্ঠিত হয়। এ

সময় তৃণমূলের নেতাদের উদ্দেশ্যে প্রধানমন্ত্রী বলেন, কর্মীদের আচরণই দলের পরিচয়। আমরা বিএনপিকে প্রতিনিধিত্ব করি।

তিনি বুঝিয়েছেন, আমরা প্রত্যেকে জনগণের সেবা করার জন্য যদি সেবক হওয়ার মানসিকতা রাখি, মানুষের উপকার করতে খুব পজিটিভ থাকি এবং দলীয় কর্মকাণ্ডে একে অপরের সঙ্গে সৌহার্দ্য রাখি, তাহলেই তার হাত শক্তিশালী হবে। এতে সরকারও শক্তিশালী হবে।

চলতি বছরের শেষ দিকে স্থানীয় সরকার নির্বাচনের ঘোষণা আসতে পারে স্মরণ করিয়ে দিয়ে তিনি কর্মীদের ঐক্যবদ্ধ থাকতে বলেন। কারণ পতিত শক্তি দেশের বাইরে থেকে যেমন ষড়যন্ত্র করছে, দেশের ভেতরের একটি মহলও জনগণকে বিভ্রান্ত করার অপচেষ্টা করছে। ঘরে-বাইরে শত্রু মোকাবিলা করতে হলে সংগঠনকে আরও শক্তিশালী ও গতিশীল করতে হবে। সে লক্ষ্যে নিষ্ক্রিয় থাকা অঙ্গ ও সহযোগী সংগঠনগুলোকে সক্রিয় করার পাশাপাশি যেসব সংগঠনের কমিটির মেয়াদ অতিক্রম করেছে, সেগুলো টেলে সাজানোর তাগিদ দিয়েছেন প্রধানমন্ত্রী।

সরকারের উন্নয়ন কর্মকাণ্ড ও উন্নয়ন পরিকল্পনা মানুষের মাঝে ছড়িয়ে দিতেও নির্দেশনা দেন প্রধানমন্ত্রী।

এ বিভাগের আরও খবর



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটের অভিযোগ
নওগাঁর মাদ্যায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মাদ্যায় মসজিদের ভেতরে ঢুকে মামুন্নুর রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) ভো...



শোক দিবসে বিচুড়ি রাস্তার সময় ইউপি চেয়ারম্যানসহ ২ জন গ্রেপ্তার
কুষ্টিয়ার ভেড়ামাড়ায় শোক দিবস উপলক্ষে বিচুড়ি রাস্তার সময় ইউনিয়ন পরিষদের (ইউপি) চেয়ারম্যানসহ দুই ভাইকে গ্রেপ্তার করেছেন পুলিশ। শনিবার (১৫...



ক্যাশলেস সোসাইটি বিনির্মাণে ব্রাহ্মণবাড়িয়ায় রূপালী ব্যাংকের রোড শো
ক্যাশলেস সোসাইটি বিনির্মাণে জনসচেতনতা তৈরির লক্ষ্যে ব্রাহ্মণবাড়িয়ায় রূপালী ব্যাংকের উদ্যোগে সচেতনতামূলক রোড শো অনুষ্ঠিত হয়েছে।শনিবার (১৫ আগস...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/saradesh/ptit-opshkti-desh-baire-theke-shrjntr-krchhe-oikjbddh-thakun-prdhanmntri>